

LAKE MANITOBA LAKE ST. MARTIN

OC_Simplified_Design_Update_Ojibwe

Onibii'igaade ezhichigeng gaa-ijigaadeg

Iwe Lake Manitoba and Lake St. Martin Outlet Channels Project gaa-izhinikaadeg ozhichigaade ji-mooshka'anzinogin gechiwaag imaa Lake Manitoba zhigwa Obashkodeyaang. Atewan imaa niizh ziibiikaanan, bezhig ji-iska'ibiimagak onji Lake Manitoba izhi Obashkodeyaang, zhigwa iwedi bezhig iskijiwan onji Obashkodeyaang izhi Lake Winnipeg.

Aaniin ezhiseg meshkwajichigaadeg Lake St. Martin Ziibiikaanan


Gii-onachigaade iwe Lake St. Martin Ziibiikaan ji-wijiwesemagak iwe Lake St. Martin Narrows, gii-inenjigaade niizhiwangan nibiin ezhijiwangan imaa Lake St. Martin.

1. Nishtam gaa-ozhichigaadeg Lake St. Martin Ziibiikaan

Apii gaa-ozhichigaadeg, gii-meshkwajichigaade iwe Lake Manitoba zhigwa Lake St. Martin Ziibiikaanan. Gakina imaa gechiwaag gaa-nibiikaag, asinii' ashiji da-asaawag ji-gaagiihkiigamisinog imaa.

Ozhichigewin zhigwa nitam gaa-ozhichigaadeg Ziibiikaan

Lake St. Martin Inwaajigan




2. Maamiinochigaadeg gaa-ozhichigaadeg aaniin ge-ani-izhinaagwak

Eni-onachigeng, gii-izhichigem Lake St. Martin daabishkoo ayaawaad niizh nibiikaagin, giiwedonong zhigwa zhaawanong. Nibi gii-dago-ganawaabanjigaadeg, giiwedonong nibiin 3 mizid gii-niisise apiich wiin zhaawanong gaa-gii-izhichigaadeg. Ji-giizhichigeng ji-mooshka'anzinog imaa izhichigewining, gaa-baakinigaadeg ziibiikaan 3 mizid gii-niisinigaade, enaakideg.

Gaa-meshkwajichigaadeg zhigwa noongom Ziibiikaanan Ezhinaagwakin

Lake St. Martin Inwaajigan



Aaniin ezhiseg meshkwajichigaadeg Lake St. Martin Ziibiikaanan

Ji-mooshka'anzinog

Ishkwaach gaa-giizhichigaade imaa onji Lake St. Martin, bangii da-wiiji'iwese giishin daabishkoo gaa-gii-mooshka'ang 2011 gaa-akiwang. Aaniin enenjigaade nibi ge-apiitaagaming zhaawanong gaa-nibiikaag Lake St. Martin, 2.3 mizid apii ishpaagaming nibi, jibwaa owe izhichigeng, 2.8 mizid gii-niisise (inaabin Figure 1 niisaya'ii).




Figure 1

Mii iwe Ziibiikaanan izhichigewin

gaawin ji-bimenjigaadeg aaniin minik wenjiiwang Dauphin River. Apii gimiwanzinog, igi Manitoba Transportation Infrastructure (MTI) oga-gibitinaanaawaan nibiin onji Lake St. Martin Ziibiikaan awashime ji-izhijiwang Dauphin River.

Inaabin [Operations information sheet](#) giyaabi gegoon noonde-gikendaman.

Mikom izhi'od imaa Narrows

Aaniin ezhiseg mikom ozhi'od imaa Narrows, gii-dagonigaade apii onachigaadeg owe izhichigewin. Aaniin ezhi-ayaamagak aaniin gaye ge-izhijiwangiban nibi. Aazha ganawaabanjigaade aaniin gaa-inenjigaadeg. Waawiikaa gii-baakinigaadeg bemenjigaadeg nibi biboong, nawach gii-mangi-dawaa mikom ayaasig, aaniin ge-izhised mikom gaye. Igi MTI ogitendaanaawaa' aaniin gechiwaag imaa gaa-ayaawaad ezhi-ayaamagak biboong.

Gaa-meshkwajichigaadegin Lake Manitoba zhigwa Lake St. Martin Ziibiikaanan

Apil gaa-ozhichigaadeg, gii-meshkwajichigaade iwe Lake Manitoba zhigwa Lake St. Martin Ziibiikaanan. Gakina imaa gechiwaag gaa-nibiikaag, asinii' ashiji da-asaawag ji-gaagishkigamisinog imaa.

Ginoonde-noondaagoom

Daga wiindamawishinaam aaniin ge-izhisegiban apii wiidabingeyan gaa-okobing, gemaa gidaa-ganoonaa gechiwaag iwe gaa-inanokiid, ogimaakaan odanokiiwining, gichi-ogimaa gaa-anokiing, gemaa awiya gekenimad izhibii'an izhi outletchannels@gov.mb.ca. Outlet Channels Project inaabin Outlet Channels Project [Outlet Channels Project website](#) maagoniganing.

Awashime wiindamaagewin

Bebakan gegoon ozhibii'igewinan wiindamaadim aaniin ayizhichigeng iwe Outlet Channels Project, abooshke:

- Wenji-dazhiikigaadeg
- Ge-aabadakin
- Epiitaagamigin nibiin, ezhijiwangin gaye Ge-miinosijigaadeg
- Meshkwajichigaadegin
- Enokaadegin

Ji-waabandaman imaa etegin, inaabin [Outlet Channels Project website](#).